

太原府志

册一

乾隆の六年分守冀寧道沈之變等撰修

重脩太原府志序

太原為山西首郡漢之并州刺史唐之河東節度其治所皆在於此宋初慮其恃險乃徙州治而猶為重鎮元明以來仍為大吏治所蓋一都之會非他郡比地要事繁守或缺人

皇上必命撫臣慎加遴選上其名於

大原府志

序

朝而後畀焉誠重之也夫首郡為列城表率其政治風教與夫民俗之習尚人材之造就四方莫不觀效然則郡縣莫不有志而首郡之志為尤當總其綱條詳其事類以垂示久遠況自

本朝定鼎至今百數十年并土密迤神畿涵濡



列聖之深仁厚澤不見兵革日久而老者有以養幼孤得遂長昇蕃豐美之象曠古無比詎云一隅之紀載不足以見

乾坤之全量而可缺如哉考舊志之纂於前明者凡再

國朝順治十一年僅纂二冊以繫于後甲子再閱而脩輯無聞今滇南

太原府志

序

二

方伯費公為守時謂茲事不可以緩亟請備纂余時陳臬於茲亦樂為憇憇焉及余自皖撫復奉

命移節而來而是書適告成凡四閱歲更二守而始得付之剞劂蓋其成之不易如此雖曰因其寔創也諸賢守於簿書倥傯時而能留意志乘使

重熙累洽之盛亦略見於斯編因以風示  
列城而為凡有司之所取則此尚  
書所以錄畢公之誥孔子所以稱  
善人為邦百年而漢史亦致美於  
蕭規曹隨也一書之成如是推之  
於治何莫不然余既與聞其始又  
樂觀其成其快慰寔有倍於尋常  
者因泚筆而為之序且以致余屬

望之意焉

乾隆四十八年歲次癸卯夏仲

撫晉使者農起謨



序

余嘗讀禹貢及太史公班固諸書謂  
太原有陶唐氏之遺風焉山西拱衛  
神京表括千里幅幘之廣倚山帶河民  
生其間沐浴太平之日久迄今風俗  
茂美奢儉得中斯殆柳柳州所稱思  
深恭讓恬以愉者歟太原置郡于秦  
府于唐今為省治我

朝涵育中外咸登熙皞所謂垂裳之化

太原府志

序

也於時保釐之臣與羣有司共襄其  
盛暇則延二三文學之彥披發載籍  
勒成一書是可云貢於上而知其易  
焉者矣夫志所以志其治之成也隸  
山西省九府十州而太原為綱領既  
脩太原而政無不舉是書之成提綱  
挈領則凡山谿之固風教之醇農祀  
之經人文之紀考其蹟淵乎其可思  
也閱其書麟麟其已備也成是書者

經始錢塘費方伯總以香澧沈觀察今  
太守律齋虔君實董其成將付剞劂  
余適來山右因思

國家休養生息百有餘載

皇上稽古右文覃敷郵治俾賢士大夫勤  
民好古考迹詩書推表山川綴禹貢  
周官下及戰國秦漢源流即今手是  
編而全省之表括存焉是誠所謂  
天子致太平以堯為準民樂山河之美而

太原府志

序

二

織畚懞伎之風邈矣予惟與賢太守  
拜手而慶其成也是為序

賜進士出身

誥授通奉大夫山西布政使司仁和汪新撰



序

余以庚子冬奉

命視學山西明年春

翠華西幸余與冀寧觀察

費公迎

蹕清涼山下途間語余守太

太原府志

序

一

原時曾見舊志承訛踵謬

荒陋恒多竊有志修葺

之因舉某宜增某宜

革若干條余雖未覩其

書心甚躄焉未幾費公

以觀察司臬事又明年擢

任雲南之伯繼守太原者  
香澧沈以律齋虔公搜羅  
益富越三年而書始成  
余惟太原一郡左亘恒山  
右躡大河襟四塞控五原  
轄州一縣十有明末造流氛

不靖墮垣堙塹井屋蒿萊  
遺黎世竄媮生冷氣弗  
鬱迨我

皇清受命統一區寓休養生  
息三晉之間遂為樂土余以  
時巡歷所至見夫車徒之



擊互冠蓋之絡繹民物之  
恬熙被潤澤而大豐美其  
猶有唐封之遺風乎蓋自  
鴻仁丕冒久道化成而又省徭薄  
賦屢

賜蠲復生斯土者涵濡

聖澤其君子說禮樂而敦詩書  
其小人務力田而崇孝弟取  
敗穆穆治登於古猗歟盛  
哉是書之作繁者刪之簡  
考詳之固不惟考核之精  
亦以貴玉治於無窮已夫

陳詩觀風使者職也他日報

命于朝其將以是為

當宁獻

賜進士出身

誥授奉直大夫

文淵閣校理翰林院編修提督

太原府志

序

四

山西學政武進劉種之撰



序

山右古冀州之域平陽蒲  
坂則神皋之奧區焉蟋  
蟀山樞則唐魏之遺風  
焉其俗喬而野其民質  
而儉其地憑山臨谷綿

亘千里左接恒陽右連  
太華控阨塞而拱神系  
蓋自禹貢分野周官職  
方迄今數千餘年攷疆  
索按版圖班班可指諸掌  
舊有道志別類分門凡

二百三十卷已亥歲予守太原  
原緝閱前志至詳且備既  
而思我

國家累洽重熙民物富庶比  
年來

翠華臨莅普惠元山皆望

太原府志

序

二

幸水亦銘恩曠千載而一遇且  
承平百數十年間俗尚之  
沿華文軌之留遺印一名  
一物一節一烈之足以扶風  
教而礪庶隅者何可湮沒  
弗傳思有以續而輯之首

捐瘡為之倡而前方伯譚  
古愚先生董其成延名宿  
設館局合眾家而求其事  
增於前文損於瘡閱五年  
於茲甫克歲事有年冬予  
奉

恩命擢任滇南將行其司按諸  
君以屬藁既成乞予數言  
以弁篇首予惟志書之作  
非徒撫故實備搜覽也蓋  
亦採風問俗劑盈濟瘼之  
一助焉職斯土者改其山

以按其民物慨然思帝德  
至功之所以盛唐勤魏儉之  
所以興相與訂名臣之舊  
業仿寫賢之遺踪物土之  
宜而布之因民之利而利  
之庶幾吏治蒸、清和上

理百姓喁、咸知嚮風慕義  
豈不休哉至其義例之謹  
嚴補前志所未備訂舛校  
訛患衷至正者凡例中言  
之詳矣概不贅

賜進士出身

誥授通奉大夫雲南布政使前  
山西按察使錢唐費溥撰



序

嘗覽明史藝文志見山右府志  
之著錄者僅汾潞與大同耳太  
原為大都會而紀載闕如豈  
官斯土者改繁責鉅而皆無  
暇以為抑為之而不詳不核  
不足以資考鏡而為政治之  
本故無傳歟今年余奉

命來司臬事初抵治所而郡守長  
白虔君以新修太原府志遠  
成告余因詢其端末則初始  
者為今雲南方伯錢唐費公  
為守時所為振久墜之典而  
奮然有志乎斯事設專局  
聘名士遊且其廩餼寬其歲  
月使得專精考覈博採苟



搜而折衷於至當庶一郡之  
文獻賴以有稽而可以備小史  
外史之所掌蓋其規模皆自公  
所定也公遷觀察繼之者為  
今浙江溫處道華亭沈公  
不懈益虔以修以飾使其事  
詳而不蕪其文簡而不漏其  
書漸有端緒而復以遷去今

太守乃踵二公之遺軌彙衆  
賢之所長反覆諮詢求無  
遺憾而因得衷然者此完  
書也蓋自始開局以迄今茲  
歲已五易矣其成之之久如  
是則其書之善善可知吾  
知今之修

國史者亦必取裁於斯而其著

錄也更不待言矣夫古人使  
轍所經尚且周爰咨詢周爰  
咨度以勤求乎民風土俗之  
所宜况為

國家外服之臣則凡地形之險  
易戶口之登降物力之幽且  
風俗之溥漓何一不當周知  
者余幸矣余得微之於書

以與詢訪所得者相參驗則  
余之所得不既多乎哉且  
知後來為守者亦罔不嘉  
賴也已

賜進士出身

誥授通議大夫山西等處提刑按察  
使司按察使加三級溫保初撰



新修太原府志序

今天下郡縣莫不有志而志之成也有  
易有難其易者欲稽古事則載籍燦然  
前人之經羅畧備考核不誣足以為削  
橐之資而一二近事又得其地之賢士  
大夫交相為勲主持公道扶獎人倫由  
是而為書言皆雅馴而事足徵信蓋凡  
事之有所因者易見功也吾吳人也姑  
以吳事言之請畧于遠而徵于近宗以

宋朱樂圃范石湖之所輯尚未泯也迨  
乎勝國盧公武劉欽謨王濟之諸人踵  
而修之班班可考而且志田賦者有人  
志水利者有人志名蹟者有人志人物  
志科名以及乎社遊燕集遺文瑣綴之  
分門別類者幾于指不勝屈而且各家  
文集成可取裁碑版譜牒足資互證以  
故近日蘇州府志之成若不苦其事之  
難為者以有此具也自余觀察冀寧值

修太原府志論如李璋之太原事蹟記  
鄧行儼之東都記蔡珪之晉陽志等書  
皆已無傳至金源時若元裕之李長源  
諸人卓然有聞然亦祇耽吟咏而不復  
以文獻為意近來學問行誼最著者莫  
若傅聞兩徵君傳小筆流傳而未有撰  
著以表揚忠孝發揮幽隱者閭于地理  
之學最為精博然遠寓淮陰雖以潛邱  
名所著書示不忘故鄉之意然亦止于

此而已其他未有聞焉若夫舊志疎陋  
凡猥殊無足觀叙職官則但紀明代以  
來而金元以上不能標舉一二至于帝  
后自有正史紀載而乃以入郡志殊失  
體裁唐王摩詰兄弟自是秦人白樂天  
下邳人其稱太原者著族望耳不當與  
土著等夫以莫為之前如此則任修輯  
之責者不綦難哉雖然志之曠而不修  
久矣若再因循是劉中壘所云欲去小

不備而就大不備大不備豈所安乎諸  
公之毅然為此是真能識輕重知大體  
其事之始末 中丞與諸公既詳之矣  
余又奚贅所願此邦之士以其暇日披  
覽古籍見凡有幽于郡之故實者筆而  
錄之見凡忠孝節義貞順廉惠與夫文  
學秀異者舉覈實而書之庶幾與吾蘇  
之朱范盧劉王諸人埒毋使後之為志  
者仍歎其難可也是為序

乾隆四十八年歲次癸卯季春月冀寧  
道吳門沈之變撰



序

歲己亥今廉訪費以守太  
原正己志屬政通人和修  
舉廢墜咸與維新慨然  
曰郡邑有志猶國之有史  
昨獨侈山川封域之隸人

物風土之美也蓋將以紀盛  
表示風勵焉今郡志不  
修歷有年所余何能不  
事、請於大吏倡率纂  
修延四方知名士信會城  
西隅日事校雠于未幾公被

命觀察冀寧余未守是邦凡  
立政治人之方素勉繼成  
規而於以攷、編纂之深  
心尤三妓責焉太原古冀  
州城被山帶河襟四塞、  
要衝控中原之都邑禹

貢職方所載今不殊者也  
命以唐誥封于夏虛之殊  
、今漁野有存如殷旱噴  
朴為天下家詩所稱瞿、  
良士無已太康是也然而編  
急成凡剛勁好門則補

偏救弊又司牧者先務真  
夫志之輯志此邦之治  
也志治道之所以道也伊古  
聖賢身不下坐而治道燦  
然無他有所遵也余承之創  
於宣三年於茲徵文攷

社補綴成編將付剞劂而  
適量移溫安監司未既  
厥事夫人生官如鴻印  
雪泥或有所願而少乃  
或占所為而不得盡上何  
子不然獨志也歎哉然而者



其所得為盡生以日盡當  
前之責備何可一日寬以  
志事之不克竟知職業之  
未可弛于以志慨之于志  
傲也是為序

賜進士出身

太原府志


序

四

誥授朝議大夫浙江溫江兵備

道前太原府知府沈樹聲

撰



序

太原為古陶唐氏之國思深俗儉詩人  
美之頌其地憑恃險阻為用武者所必  
爭戰國以還干戈日起漢魏而降建置  
靡常至綏寇躡梁城郭人民半遭蹂躪  
我

國家承平百數十年大化翔洽羣生澍濡  
靖累朝紛爭擾攘之習而登斯民於太  
和元氣之中蓋從古迄今未有若斯之

太原府志

序

盛者迺來生齒之數日繁教養之具大  
備規畫制度斟酌損益洵足以遠軼曩  
代昭示來茲舊志創於前明萬曆四十  
年壬子修於前明崇禎十六年癸未至  
國朝順治十一年甲午又續纂二冊因陋  
就簡凡我

朝

聖天子恤民愛士之仁良有司承流宣化之  
美人物之踵生州邑之分合禮樂之脩

明隄防之增設或缺焉而未詳今  
雲南方伯費公守太原時徑始脩輯尋  
由臯寧觀察陞任廉鎮未遑歲事屬前  
守沈公成之大要以通志為準繩以邑  
志為叅合証之往史以訂其訛採之近  
事以補其缺志星輿則攷核必真志建  
置則興廢并錄志賦役而民力之豐耗  
以見志水利而田土之旱潦可防他若  
秩祀志而淫諛必斥祥異志而兵荒特

書官師與選舉志而觀法以立人物與  
藝文志而文獻以存酌古準今條分縷  
晰江淹有言修史之難莫難於志誠以  
志者憲章所係非老於典故者不能若  
是書者可云毫髮無憾矣夫三晉山川  
融結深厚素鍾賢俊太原首郡密邇  
畿甸蒸被尤先官斯土者欲以漸摩風俗  
培養人材仰承

聖世廣運之德於是書亦考鏡之資也小補

云乎哉沈公又以陞任去書成屬余付  
刊爰弁數言於首

乾隆四十八年歲次癸卯仲春太原府  
知府虔禮寶撰



太原府志原序

太原古晉陽也曩余拜命來守蒞幾浹月庶務漸熙既亟  
諏諮爰厯稽覽緣訊郡乘以企寓日裨治資焉乃掌故者  
僉相顧愕以缺典對余竊嘆曰有是哉不足之靡徵宜舉  
莫廢顧安所得核據而憑以叙草與無何取屬司所呈成  
編而彙閱之則見一方文獻犁然各具胥可以備信傳後  
輒然曰是非修舉者之券印與第其中作匪一時而歷年  
久者浸至遺漏如職官選舉自萬歷以後多未經入紀者  
筆非一手而摛詞異者不無參差如正官此稱知府州縣  
而彼稱守與令者節婦或云幼寡而或云年若干夫亡者  
事本自的而聞以誤者未免錯訛如俺虜犯石州原在隆  
慶五年庚午之冬乞款卽于次年辛未十月而或稱爲萬

太原府志

卷一 原序

一

歷四年者此類不一而足率是將信史反疑而實錄幾虛  
又若之何可藉口闕文而按圖承舛耶於是檄蒐採以拾  
補訂更正于見知復取庠弟子員韓士元笥存先鄉申萬  
京兆遺稿授庠博張君慎言輯之託陽曲令梁君之垣校  
之其綜覈折衷之柄則懇鄉申岡卿王念夔云不數月而  
帙就爲卷凡二十有六凡例具張博取義就中筆刪裁酌  
卽未必概語大成之集然萃汗爲簡滙異于同比于家宮  
牆而人斧鑿者殊不侔矣適余以叨轉移署會今郡守閻  
熊耳繼至鏡梓乃竣守下車方初意卽余意且以序請亦  
信斯志之不可無云抑余尤有說焉晉之莫強自古記之  
以彼汾恒流峙襟帶冀并而拱衛幽燕山河美固亘古迄  
今無恙也迺靈秀孕于奇杰化理宜爲保障如狐祁尹董

諸君子代不乏人豈謂無志而名遂不聞乎志缺而諸君子之名不缺今志矣而于諸君子寧有加也惟是人於史鑑道待人行所願守晉者睹是志而深思之晉之利病於何興除臧否于何從違媿惡於何勸懲務通變宜時以臻一代之上理則郡以守重志又以人重而余二人其有辭于晉矣不者則守且不足爲晉之重輕也而何以志爲昔孔子成春秋而亂賊懼朱子脩綱目而正統明夫其懼也明也乃所以爲春秋也綱目也假令不懼不明而旣成脩之後猶夫未成脩之前則經史且爲虛具而至聖大儒心有餘悲焉矧區區輓近一郡乘一未學之爲兢兢耶試問閩守其以余言爲迂且僭否

萬歷壬子歲孟冬之吉

太原府志

卷一

原序

二

欽差清軍驛傳鹽法道山西按察司副使關廷訪撰

太原府志

纂修職名

總裁

前山西布政使陞任安徽巡撫譚尙忠

前山西按察使陞任雲南布政使費淳

總修

分守冀寧道兼管水利事務沈之燮

前太原府知府陞任浙江溫處兵備道沈樹聲

太原府知府今陞冀寧道虔禮寶

總理

太原府清軍水利同知張鍾秀

太原府理事通判椿齡

太原府志

分修

前任陽曲縣知縣今陞汾州府同知周鴻基

陽曲縣知縣舒毓楓

原任太原縣知縣馮堉

太原縣知縣楊若虔

榆次縣知縣路作

太原縣知縣王志楷

祁縣知縣陳時

原任徐溝縣知縣蔡必昌

徐溝縣知縣曹鎮

原任交城縣知縣劉庭愷

交城縣知縣湯維新

前任文水縣知縣今調曲沃縣知縣 婁文鑒

文水縣知縣 蔡齊明

前任岢嵐州知州今陞順天府治中 陳聖瑞

前任岢嵐州知州今陞松江府知府 梁羣英

岢嵐州知州 蔡廷弼

嵐縣知縣 張灝

前任興縣知縣今調安邑縣知縣 劉映棻

興縣知縣 陳紹貴

直隸絳州州判今陞介休縣知縣 汪本直

採訪

太原府 授 李有薰

太原府 復設 訓導 秦彩玉

太原府志

督刊

太原府 經 歷 張應綵



太原府志凡例

志與史體同而例異史有褒有貶志則有勸無懲郡志之與省志及各州縣志又有不同省志歸於簡要州縣尚其精詳郡志酌乎繁簡之間故有全省通志所刪志復增入州縣志所詳志不盡載者

郡志始修於前明萬歷壬子又修於崇禎癸未又修於國朝順治十一年甲午迄今百有餘年網羅散佚越三載而成書卷帙增舊時之半其間正訛訂偽差免荒畧之譏

志乘之作地理爲難蓋時代變更名號屢易疆域割隸彼此不同後之言地輿者雖以征南淮南二杜之精於學寰宇括地之博於文尚皆不能無誤今博採史

太原府志

卷一 凡例

傳及古今地理諸書而核其得失亦庶於郡地有所考正云爾

志多有沿革而無地表今於沿革之所不能盡志者特爲表以著之蓋古者左圖右史史以考其文圖以明其驗表猶圖也馬班諸表爲年爲月同姓異姓因其異而異之者也表與沿革並言地輿因其同而同之者也

職官自都御史而下若郡守若州牧若縣令若教職以次具書至佐貳各官舊志闕如概從簡畧

舊志祇載府境全圖今於全圖之後若州若縣各繪一圖務使山川形勢指掌瞭然至所謂八景十景無關典要概從刪削

學校之中先聖先賢實式憑焉通志列於公署之前今仍其舊他如貢院考棚皆以勸學興賢列諸公署於義未安今改附於黌宮之末

先農社稷風雲雷雨忠烈節孝之載在會典者並列諸祀典若古帝王將相神仙高士非郡縣應祭之祠廟概不敢登爲其淫祀無福也

太原山多土瘠挹彼注茲被潤澤而大豐美政所宜先莫如水利附之以堤堰津梁庶幾灌溉無私而旱澇有備乎

周官有鹽人之掌其後管子煮海於齊鹽鐵詳論於漢而鹽法大重今考太原郡屬銷河東之引而不盡食河東之鹽非若薰風臺畔解慍阜財必詳其掌故也

太原府志

卷一 凡例

二

故祇附其畧於田賦之後

通志所輯太原紀載有不官於此而登之名宦不產於此而載之人物者並據正史以訂之其詳見於辨證古有奉命征討死於太原者據禮經執干戈衛社稷之義列之名宦其他行軍出使從幸諸臣之偶經茲土無績可稽者概不闡入

人物一門有載史氏全文者有節錄者各從其適非寓甲乙於其間也自前明以來尤加嚴慎不敢濫登

舊志不登關隘然太原四塞之地如陽曲之天門石嶺太原之晉祠風谷太谷之馬陵回馬祁縣之隆舟盤陀以及隱堂山開棚堡水峪關韓光塞草城川諸處夙稱天險分類志之庶幾關山阨塞展卷瞭然

晉陽掌故如太原事蹟雜記見於四庫書目晉陽見聞要錄見于崇文總目此外若龍城錄耳日記撫異記甘澤謠西軒客談太平廣記諸書凡有關於太原者悉資採錄

志凡六十卷四十二門總括於地輿官政人物藝文四部星野圖考地表沿革疆域地之義也城池關隘形勢山川水利地之利也學校以至驛鋪政之序也古蹟四者必學古而後可以服官也居是官曰職官稱是官曰名宦孝義數者皆人物之表表者也後之以藝術抑末也仙釋以下尤人事之不經見者也稽之遺事以廣其見聞質之辨證以糾其差謬無論經世之文足以行遠卽下至里巷歌謠非盡無關治術也

太原府志

卷一

凡例

三

故諸志之末而以雜志終焉

太原府志目錄

星野 第一卷

圖考 第二卷

地表 第三卷

沿革 第四卷

疆域 第五卷

城池 第六卷

關隘 第七卷

形勢 第八卷

山川 第九卷

水利 堤堰津梁附第十卷

學校 第十一卷

太原府志

目錄

公署 第十二卷

田賦 第十三卷

積儲 第十四卷

物產 第十五卷

戶口 第十六卷

風俗 第十七卷

氏族 第十八卷

祀典 第十九卷

兵制 第二十卷

武事 第二十一卷

驛鋪 第二十二卷

古蹟 第二十三卷

帝后 第二十四卷

封爵 第二十五卷

陵墓 第二十六卷

職官 第二十七卷至三十一卷

名宦 第三十二卷第三十三卷

人物 文苑附第三十四卷至三十六卷

孝義 第三十七卷

選舉 第三十八卷至四十一卷

隱逸 第四十二卷

寓賢 第四十三卷

列女 第四十四卷第四十五卷

藝術 第四十六卷

太原府志 目錄

仙釋 第四十七卷

寺觀 第四十八卷

祥異 第四十九卷

遺事 第五十卷

辨證 第五十一卷

藝文 第五十二卷至五十九卷

雜誌 第六十卷

太原府志卷一

星野

十二野所以分天之綱即十二野不可以知天九州所以分地之紀即九州不可以測地周禮保章氏以星土辨九州之地所封封域皆有分星晉隋以來丹元子步天歌其言列星最為明白簡易然躔次無變易而封域有參差占象之家不免率率附會罕有折衷夫實沉遷於大夏而主參參為晉星始自唐虞其說舊矣今頗採諸家之言協之於古不載占法者非志所及也志星野

太原府志

卷一


星野

觜參圖

凡圖天文者揭而仰觀之東西定位南北易位

西

北



東

南

史天官書曰參爲白虎三星直者是爲衡石下有三星兌上小下大故曰兌晉灼曰罰亦作爲斬艾事其外四星左

右肩膀也小三星隅置曰觜觜爲虎首主葆旅事索隱宋均云葆

守也旅猶軍旅也正義葆旅野生之可食者晉書曰觜觜爲行軍之藏府葆旅收斂萬物其南四星曰

天厠厠下一星曰天矢矢黃則吉其西有勾曲九星曰天

旗正義參旗九星在參西天旗也王正義曰觜三星參三

星參三星者外四星爲實沉晉書曰參十星兼左右肩一

曰參伐一曰大辰一曰天市一曰鈇鉞主斬刈又爲天獄

主殺伐又主權衡所以平理也又主邊城爲九譯故不欲

其動也其中三星橫列三將也東北曰左肩主左將西北

曰右肩主右將東南曰左足主後將軍西南曰右足主偏

將軍中央三小星曰伐天之都尉也主鮮卑屬國不欲明

太原府志 卷一 星野 二

七將皆明大天下兵精也

丹元子步天歌曰通志丹元子隋人隱者之流也不知名

爲王希明纂漢晉志以釋之唐書誤以觜三星相近作參彙觜上坐旗直指天尊卑之位

九相連司怪曲立坐旗邊四鴟大近井鉞前參總有十星

觜相侵兩肩震足三爲心伐有三星足裏深玉井四星右

足陰屏星兩扇井南襟軍井四星屏上吟左足下四天厠

臨厠下一物天屎沉

步天歌坐旗司怪俱屬觜武密書及乾象新書皆屬參玉

井軍井步天歌屬參武密書屬觜二井屬觜者觜爲乾象

新書屬畢虎首有飲水之義

唐志曰觜觿三度赤道二度黃道三度又曰觜總二度黃

道損加一度此承前有誤今測畢有十七度半畢舊測觜

十七度

觴半度通志曰觜一度參十度今西洋算增觜為十度而參度刪其九

甘氏曰參為忠良孝謹之子明大則臣忠子孝安吉

左傳昭元年子產曰帝后也遷高辛氏之子實沉於大夏

主參唐人是因以服事夏商當武王邑姜方震太叔夢帝

謂已余命而子曰虞將與之唐屬諸參而蕃育其子孫及

生有文在其手曰虞遂以命之及成王滅唐而封太叔焉

故參為晉星實沉參神也

國語董因對晉文公曰歲在大梁將集天行元年始受實

沉之星也實沉之墟晉人是居所所以興也以辰出而以參

入皆晉祥也辰大火也晉之始封歲在大火重耳之出歲在大火闕伯之星也是謂大辰入返晉也晉文即位歲受實沉

太原府志 卷一 星野

史曰晉之疆候在辰星占於參伐

鄭康成曰毛詩譜唐者帝堯舊都之地今日太原晉陽是堯

始居於此後乃遷都河東平陽成王封母弟叔虞於堯之

故墟曰唐南有晉水至子燮改為晉侯孔穎達曰漢書音

義臣瓚以唐為河東之永安水北曰陽晉陽永安在晉水之南四百里者晉水之北也

里而遙與晉無與焉此說詩之唐國不右晉陽燮何須

改晉侯明唐正晉陽也合子產鄭孔之言觀之太原之主

參信矣惟班固書以太原為昴畢分野其後李淳風僧一行毆陽修皆以太原為主參

舊唐書曰天文之為十二次所以辨析天體紀綱辰象上

考七曜下配萬方及七國交爭善星者有甘德石申夏竦

十二分野故有周秦齊楚韓趙燕魏宋衛魯鄭韓同吳越等圖張衡蔡邕又以漢郡配焉自此因循但守其



文無所變革且懸象在上終天不易而郡國沿革名稱屢遷遂令後學難為憑準貞觀中李淳風撰法象志始以唐之州縣配焉至開元初沙門一行又增損其事更為詳密既事包今古與舊有異同頗裨後學錄其文著於篇

今止錄大梁實沉鶉首三次使觀者有所折衷

昂畢大梁之次西初起胃四度中昂六度終畢九度其分野自魏郡濁漳之北得漢之趙國廣平鉅鹿常山東及清河信都北據中山真定今為洛趙邢恒定冀具深八州又分相魏博之北界與瀛州之西全趙之又北盡漢代郡雁門雲中定襄之地與北方之國皆大梁分也

觜觴參伐實沉之次也申初起畢十度中參七度終井十一度其分野得漢河東郡今為蒲絳晉州又得澤州及慈州界也及上黨今為

### 太原府志

#### 卷一

星野

四

澤潞儀沁也太原今為并汾州盡西河之地今為隰州石州嵐州西涉河得銀州以北也

又西河徼外之國皆實沉分也今河東郡永樂芮城河北縣及河曲豐勝夏州皆為實沉之次東參伐為戎索為武政故殷河東盡大夏之墟井之分也

上黨次居下流與趙魏相接為觜觴之分

東井與鬼鶉首之次也未初起井十二度中井二十七度

終柳六度其分野自漢之三輔及北地上郡安定西自隴

坻至河西西南盡巴蜀漢中之地及西南夷犍為越嶲益

州郡極南河之表皆鶉首分也鶉首之分得禹貢雍梁二州以上皆原註

太原府觜參分野實沉之次躔次入東井二十九度躔次之說

見後篇

通志曰陽曲志古稱太原參井分野此統一郡而言陽曲太原之一邑耳亦云參井分野何哉據交城縣志內參井

分屬辯一統志武備志雲中雁門俱曰入東井汾州則曰參太原北與雲中雁門界西南與汾州界當二宿之交則所轄之地豈能曲折如一必有參差出入於二宿之間者故曰參井蓋言五州十二縣半屬參半屬井耳非謂太原所屬諸邑俱半參半井也愚按太原之分野自主參其躔次則入於東井耳陳卓云入者侵而入之辭非全屬也專屬觜觴者舊惟上黨一郡今算法觜有十度則太原府亦宜主觜

太原榆次太谷祁縣徐溝文水同

崑崙州崑縣興縣舊唐書曰崑州實沉之分不曰次而曰分其爲觜參可知且如魏徙大梁則西河合於東井秦拔宜陽而上黨入於輿鬼天象以人事爲主今三方皆屬太原府志

卷一

星野

五

原則同主觜參宜也

井宿圖



太原府志

卷一

星野

六

史天官書曰東井為水事

晉書曰東井八星天之南門黃道所經天之亭候主水衡事法

令所取

其西曲星曰鉞鉞北北河南南河正義南河三星

東井南北置而為戒南河南戒一曰陽門北河三三星分夾陰門兩戒間三光之常道也按此即唐僧一行山河兩戒之說兩河天關間為關梁正義關邱二星在河南

步天歌曰八星橫列河中靜一星名鉞井邊安兩河各三

南北正天樽三星井上頭樽上橫列五諸侯侯上北河西

積水欲覓積薪東畔是鉞下四星名水府水位東邊四星

聚四瀆橫列南河裏南河下頭是軍市軍市團團十二星

中有一箇野雞精孫子文人市下列各立兩星從東說闔

邱兩星南河東邱下一狼光蓬葦左邊九箇弧矢弓一矢

直射頑狼胸有個老人南極中春秋出來壽無窮

唐志井三十三度

甘氏曰東井亦曰天井主諸侯帝戚三公之位故明大則封侯建國

前漢地理志曰秦地於天官東井鬼輿之分野也其界自宏農故關以西京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉敦煌又西南有牂柯越嶲益州皆宜屬焉

按實沉之次唐書以河東永樂芮城河北縣及河曲豐勝夏州皆爲東井之分此自是井分非若太原之躔次入井也

史遷作天官書不言州郡躔次班固地理志列十二分野用甘石之舊說范蔚宗沈約而下言所及者災祥測驗而已唐太宗文皇帝撰晉書乃云魏太史令陳卓更言郡國

太原府志

卷一


星野

七

所入宿度附而次之又稱范蠡鬼谷張良京房諸葛亮之徒實云此必有所託也考之唐志貞觀中李淳風撰法象志因漢書十二次度數配以唐之州縣則躔次之說其必起於文皇之時天官書曰營室至東壁并州夫室壁衛分也今躔次室壁所入者非并非衛皆秦地也又曰觜觿參益州或曰非西蜀益州也春秋元命苞曰參伐流爲益州益之爲言阨也言其所在之地險阨也一曰疆壤益大故以名焉按躔次廣漢入觜一度越嶲入觜三度蜀郡入參一度犍爲入參二度牂牁入參五度巴郡入參八度漢中入參九度益州入參七度則又入皆蜀也今東井秦雍州分也其躔次則太原入東井二十九度以及雲中入東井一度定襄八度雁門十六度代二十八度也唐書曰西河之

濱所以設險限秦晉故其地上應天關其南曲之陰在晉地衆山之陽南曲之陽在秦地衆山之陰陰陽之氣并故與東井通也夫晉與井通固宜矣顧反不及秦何也伏而念之東井之爲秦猶觜參之爲晉其爲分野不待言矣若太原之入東井是猶蜀之入於參秦之入於室壁此所謂躔次夫秦蜀固井鬼分野鶉首之次也其躔次則室壁參也夫星野者若方罫稽田各得其主故曰分野躔次者如立竿於此影見於彼故曰入是故分野躔次兩說也分野可縷而析之躔次舉其概而已影見於遠者不可一一求也腑臟之脈絡深於醫者知之天地之脈絡精於候者別之故躔次之義余未有易其說也

昴宿圖



太原府志

卷一

星野

九



史天官書曰昴曰髦頭為白衣會正義昴畢曰罕車晉書

畢間為天街天子出旄頭罕車以前驅此其義也為邊兵主弋獵正義畢其大星

旁小星為附耳昴畢間為天街其陰陰國陽陽國索隱元

畢為天街爾雅云大梁昴孫炎曰畢昴之間日用五星出入要道若津梁正義天街三星在畢昴間主國界也街南

為中國街步天歌昴七星一聚實不少河西月東各一星

月下五黃天陰名陰下六烏芻藁營營南十六天苑形河

裏六星名卷舌舌中黑點天讒星礪石舌旁斜四丁畢恰

似瓜叉八星出附耳畢股一星光天街兩星畢背旁天節

畢下八烏懂畢上橫列六諸王王下四皂天高星節下團

圓九州城畢口斜對五車口車有三柱任縱橫車中五箇

天潢精潢畔咸池三黑星天關一星車脚邊參旗九箇參

車間旗下直建九旂連旂下十三烏天園九旂天園參脚

太原府志 卷一 星野 十

邊

唐志昴十一度畢十七度

甘氏曰昴主口舌晉書曰昴為天耳畢主街巷陰雨天之

雨師也

二十八舍明時占晉疆分野隸昴畢觜參井五星

通志曰岢嵐志岢嵐止趙分之一不能當昴畢全度應在

昴十一度之末畢初度愚按此臆說也唐書嵐州自在實

沉之分實沈起於畢十度畢有十七度岢嵐應在畢十度

之外嵐縣興縣唐時皆屬嵐州

唐志云西河之濱上應天關與東井通氣故永樂芮城河

曲豐勝為實沈之次東井之分參見新若嵐州則唐志但

云實沈之分嵐州之分惟實沈起於畢十度趙之與晉原

見於舊唐書

同而流異故岢嵐爲畢分之說亦可通岢嵐旣然則嵐與兩縣皆宜一例矣夫趙魏地旣接壤而天文畢參又連度故參用其說設如齊魯接壤而魯屬西方奎婁之分齊屬北方虛危之分中隔亥宮三十餘度宋衛接壤而衛屬北方室壁之分宋屬東方房心之分中隔三宮九十餘度則界乎兩地之間者宜何所適從乎余故曰天象以人事爲主屬太原府者皆主觜參可也

以太原爲昴畢分野者班固之說也固書亦以太原晉陽爲故詩唐國乃不從子產主參之說而用甘石之言以一國當一次其言趙分西則太原定襄雲中五原上黨北有信都真定常山中山又得涿郡之高陽鄭州鄉東有廣平鉅鹿清河河間又得渤海郡之東平舒中邑文安束州成

太原府志

卷一

星野

十一

平章武河以北也南至浮水繁陽內黃斥邱

獨不皆常昴及代

畢若秦地東并鬼輿之分則益遼瀾矣夫列國分主一次彼戰國占候可也若一統之世同在畿甸之中其說何取焉且衛地旣入於魏爲觜參分野矣又以營室東壁爲衛分野將所謂河內朝歌者繫之觜參乎繫之室壁乎抑室壁虛懸其次而無所主乎借曰繫之何繫此區區者爲雖然猶愈於主十二州也今夫列國繫以次廣狹不同量未始有凌躐也以配十二州則必有不可通者也



